



**NORMATIV-HUQUQIY HUJJATLAR
LOYIHASINI ISHLAB CHIQISH VA
KELISHISHNING YAGONA ELEKTRON TIZIMI**

ID-1117 (V-1)

Ўзбекистон Республикаси Вазирлар Маҳкамаси Қарори

**Халқаро стандартларга мувофиқ ваколатли иқтисодий
операторлар институтининг жорий этилиши муносабати
билан Вазирлар Маҳкамасининг 2020 йил 24 августдаги 500-
сон Қарори билан тасдиқланган Ваколатли иқтисодий
операторлар тўғрисидаги низомга ўзгартириш ва
қўшимчалар киритиш тўғрисида**

Ўзбекистон Республикаси Президентининг “Божхона
маъмуриятчилигини такомиллаштириш ва Ўзбекистон Республикаси давлат
божхона хизмати органлари фаолияти самарадорлигини ошириш бўйича
қўшимча чора-тадбирлар тўғрисида” 2018 йил 24 ноябрдаги ПФ–5582-сон
Фармонининг 5-банди ижросини таъминлаш мақсадида Вазирлар
Маҳкамаси **Қарор қилади:**

1. Ўзбекистон Республикаси Вазирлар Маҳкамасининг “Ваколатли
иқтисодий операторлар тўғрисидаги низомни тасдиқлаш ҳақида” 2020
йил 24 августдаги 500-сон қарорига иловага мувофиқ қуйидагиларни
назарда тутувчи ўзгартириш ва қўшимчалар киритилсин:

тадбиркорлик субъектларига ваколатли иқтисодий оператор
мақомини бериш тартибини соддалаштириш;

ваколатли иқтисодий оператор мақомини олишда юридик шахслар
учун белгиланган мезонларни халқаро тажриба асосида
такомиллаштириш;

ваколатли иқтисодий операторларнинг фаолиятини божхона
аудитидан ўтказиш.

2. Ўзбекистон Республикаси Иқтисодиёт ва молия вазирлиги
ҳузуридаги Божхона қўмитаси ўзи қабул қилган норматив-ҳуқуқий

Ҳужжатларни икки ой муддатда ушбу Қарорга мувофиқлаштирсин.

3. Ушбу қарор расмий эълон қилинган кундан эътиборан уч ой ўтгач кучга киради.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – иқтисодиёт ва молия вазири Ж.А. Қўчқоров зиммасига юклансин.

Ўзбекистон Республикасининг

Бош вазири

А. Арипов

Вазирлар

Маҳкамасининг
2024 йил “___” _____даги _____-сон
Қарорига илова

**Вазирлар Маҳкамасининг 2020 йил 24 августдаги 500-сон
Қарори билан тасдиқланган Ваколатли иқтисодий
операторлар тўғрисидаги низомга киритилаётган ўзгартириш
ва қўшимчалар**

1. 10-бандда:

а) иккинчи хатбоши қуйидаги таҳрирда баён этилсин: “божхона органларига мурожаат қилинган кунга қадар ўтган бир йил мобайнида Ўзбекистон Республикасининг Маъмурий жавобгарлик тўғрисидаги кодекси 171, 171¹, 174, 175, 176, 177 ва 227-227²¹-моддалари, 227²²-модданинг биринчи қисми, 227²³-227²⁷-моддаларида назарда тутилган ҳуқуқбузарлик учун юридик шахснинг раҳбари, бош бухгалтери ва ваколатли шахсининг шунингдек, ушбу лавозимларни охириги бир йил давомида эгаллаган шахсларнинг маъмурий жавобгарликка тортилганлик ҳолатлари икки ва ундан ортиқ маротаба мавжуд бўлмаслиги;”;

б) бешинчи хатбошидаги “солиқлар” сўзидан олдин “божхона тўловлари,” сўзлари билан тўлдирилсин.

2. 11-банднинг олтинчи хатбоши қуйидаги таҳрирда баён этилсин:

“божхона органларига мурожаат қилинган кунга қадар 12 ой давомида амалга оширилган ташқи савдо операцияларига нисбатан (экспорт ва импорт операциялари алоҳида ҳисобланади) муддати ўтган дебитор қарздорлиги 10 фоиздан ошмаслиги;”.

3. 13-банд қуйидаги таҳрирда баён этилсин:

“13. Оператор ушбу Низомнинг 10-12-бандларида келтирилган мезонларга мослиги бўйича маълумотларни йилда бир марта, операторлик гувоҳномаси берилган йилдан бошлаб кейинги йилнинг 20 январига қадар электрон шаклда божхона органларига тақдим этади.”.

4. 19 ва 20-бандларнинг иккинчи хатбошлари қуйидаги таҳрирда баён этилсин:

“товарларни декларациялаш ва чиқариш билан боғлиқ божхона операцияларини биринчи навбатда амалга ошириш: Бунда, а) хавф даражаси паст бўлганда божхона юк декларациясини авторасмийлаштирувдан ўтказиш; б) хавф даражаси ўрта кўрсаткичга эга бўлганда ва божхона юк декларациясига ўзгартириш ва (ёки) қўшимча киритиш зарурати юзага келмаганда, бир соат давомида (божхона хизмати органларининг иш вақтидан ташқари пайтда божхона юк декларацияси тақдим этилган ҳолатлар бундан мустасно) расмийлаштирувдан ўтказиш;”.

5. 24-банднинг ўн биринчи хатбоши қуйидаги таҳрирда баён этилсин:

“божхона аудити жараёнида оператор қонунчиликда белгиланган ўз мажбуриятларини бажармаганда.”.

6. 26-банднинг иккинчи хатбошидаги “олтинчи хатбошисида” сўзлари “олтинчи ва ўн биринчи хатбошиларида” сўзлари билан алмаштирилсин.

7. 34-банд қуйидаги мазмундаги иккинчи хатбоши билан тўлдирилсин:

“Ваколатли иқтисодий операторлар фаолияти божхона органлари томонидан бир йилда бир мартаба божхона аудитидан ўтказилади.”.

8. 4-иловада:

а) биринчи жадвал қуйидаги таҳрирда баён этилсин:

божхона масалалари бўйича оператор	хавфсизлик масалалари бўйича оператор	божхона масалалари бўйича оператор ва хавфсизлик масалалари бўйича оператор	божхона ва хавфсизлик масалаларида оператор
---	--	--	---

б) 5-позициянинг иккинчи устуни қуйидаги таҳрирда баён этилсин:

“божхона органларига мурожаат қилинган кунга қадар ўтган бир йил мобайнида Ўзбекистон Республикасининг Маъмурий жавобгарлик тўғрисидаги кодекси 171, 171¹, 174, 175, 176, 177 ва 227-227²¹-моддалари, 227²²-модданинг биринчи қисми, 227²³-227²⁷-моддаларида назарда тутилган ҳуқуқбузарлик учун юридик шахснинг раҳбари, бош бухгалтери ва ваколатли шахсининг шунингдек, ушбу лавозимларни охирги бир йил давомида эгаллаган шахсларнинг маъмурий жавобгарликка тортилганлик ҳолатлари икки ва ундан ортиқ маротаба мавжуд бўлмаслиги.”;

в) 7-позициянинг иккинчи устунидаги “солиқлар” сўзидан олдин “божхона тўловлари,” сўзлари билан тўлдирилсин;

г) 10-позициянинг иккинчи устуни қуйидаги таҳрирда баён этилсин:

“божхона органларига мурожаат қилинган кунга қадар 12 ой давомида амалга оширилган ташқи савдо операцияларига нисбатан (экспорт ва импорт операциялари алоҳида ҳисобланади) муддати ўтган дебитор қарздорлиги 10 фоиздан ошмаслиги.”.